



息齋集卷之六目錄

奉

敕撰擬明崇禎帝碑文


李文敏公專祠碑記

光祿大夫太子太保左都御史望仁徐公墓誌

銘

光祿大夫太子太保工部尚書管都察院左都

御史魯齋霍公墓誌銘



息齋集 卷六
誥贈通奉大夫岐山朱公暨夫人沈氏合葬墓誌銘

前中憲大夫福建觀察使菊存張公墓誌銘
侍御張君墓誌銘

贈光祿寺卿湘鄰金君墓誌銘

大學士岱輿高公墓誌銘

山東提學僉憲劉君何實暨安人高氏金氏合葬墓誌銘

黃母朱宜人墓誌銘

封大中大夫大叅佟繼亭先生墓誌銘

敕封孺人侯氏墓誌銘

光祿大夫太子太保弘文院大學士蒼忱呂公墓誌銘

吳江沈烈女墓誌銘

大學生洞庭約之翁君墓誌銘

祭岳父端所嚴公文

祭內兄嚴叔韜文

祭亡壻沈階六文

祭貢士陸冰曦文

哀京兒文

哭寶兒文

息齋集卷之六

奉

敕撰 明崇禎帝碑文

大學士臣金之俊

臣嘗觀古今治亂之蹟。邦國興替之由。使後之人。得而攷焉。以為法戒者。其義莫詳於史。大約國之興也。創業開基之君。莫不有應天順人之舉。積功種德。為累葉之所憑藉。其亡也。必末季之主。或天資刻薄。殘民以逞。或黯弱昏庸。太阿旁落。或甚而縱欲敗度。滅

息齋集 卷六
裂綱常種種失德難以枚舉皆有自取滅亡之道卽國祚之脩短不同而覆敗相尋異世一轍書曰與治同道罔不興與亂同事罔不亡非虛語也我

皇上聰明睿智典學惟勤涵泳六經之暇研精史書舉前代之是非往事之成敗靡不遡原窮委二究其指歸而於明朝興亡本末更瞭如指掌於是深晰崇禎帝之所以失天下者厥咎有在非末世亡國之君可同年而語也但當時旣無實錄日後慮多傳疑每厯

睿懷之憫惻於順治十四年二月內爰

諭工部立碑表章恭繹

天語一則曰明崇禎帝尚爲孜孜求治之主祇以任用非人卒致寇亂身殉社稷再則曰若不亟爲闡揚恐千載之下竟與失德亡國者同類並觀嗚呼宸鑑及此不能不令人低徊歎息頌我

皇上之明並日月發幽光於幾沉德邁興王昭公評於隔代真前此紀載中未有之盛事也茲工部遵

息齋集 卷六
諭礮石成

皇上特命臣金之俊爲文以勒之碑。臣係故明累臣，矢殉溝壑，幸邁

永清之會，再續餘生，旣捧

徽綸而感涕，益驚

專命而徬徨，以謏陋昏耄如臣，何能追闡遺燬，仰副皇上表章之盛心。然不敢不就見聞所及，謬述其概，以竊附史官之職也。按崇禎帝本以英敏之資，潛德藩

邸繼膺大統，當卽位之始，正孽璫煽亂之餘，中外危疑，獨能不動聲色，芟夷大憝，如秋風振槁。因目擊人心蠱壞，盡屬如醉如夢之流，法紀廢弛，釀成不痛不癢之習，銳意更弦，猛圖法祖，恤民隱，畏天災，嘗蔬食布衣，痛自貶損，講幄之咨詢，不輟平臺之召對，屢勤一段宵旰，靡寧想望太平之意，誠有如

上諭所云孜孜求治者，假令當日有先憂後樂之臣，同心一德，匡濟時艱，小康猶可坐致，卽或中材之佐，警

戒網繆尚得彌縫歲月其如怙媮積玩貪黷成風下
吏之精神專用以鑽營結納大僚之好尚唯在乎位
高金多以致民窮盜起然發難之初不過西陲一隅
亦何難以國家全力制之而上下相蒙以賊爲諱嘯
聚之勢日熾月盛攻城掠邑有同破竹然後舉國張
皇紛紛議選將議抽兵議加派議設總理總督重臣
臨渴掘井毫無成算以言勦則挫衄屢聞以言撫則
招徠無術至於驕兵悍將反借賊勢披猖爲護身符

來不能禦去不能追遂蔓延流毒秦晉楚豫巴蜀暨
大江以北所在騷然而朝端之上方分洛蜀之黨日
構陰陽之戰厝火怡堂獨以賊遺君父憂間有一二
耿介特立之士以公忠體國爲念又往往不安於其
位一時內外文武事權在握者無一實心辦賊之人
矣致令仁明銳治之主不幸而丁中葉陵替之後起
弊扶衰萬難措手兼之子然孤立於上四顧盈庭茫
無可倚譬如疍羸之夫病之初中尚在膚膜腠理之

間○中○醫○猶○能○按○脉○而○治○及○耽○延○日○久○深○入○膏○肓○雖○有○
盧○扁○救○療○安○施○豈○非○天○之○所○廢○莫○能○興○之○而○人○謀○不○
臧○適○任○其○咎○者○耶○攷○史○傳○所○載○凡○末○季○亡○國○之○君○覆○
車○之○轍○崇○禎○帝○並○無○一○蹈○焉○乃○身○殉○宗○社○不○引○天○亡○
之○言○亦○綦○烈○矣○嗟○乎○傷○哉○有○君○無○臣○禍○貽○邦○國○竟○若○
斯○哉○此○明○代○往○事○之○可○爲○痛○哭○流○涕○者○也○我

皇○上○深○用○憫○惻○而○欲○亟○爲○之○闡○揚○是○卽○孔○子○當○年○作○春○
秋○之○心○褒○貶○出○乎○至○公○瑕○瑜○毋○令○相○掩○俾○天○下○後○世

讀○明○史○者○咸○知○崇○禎○帝○之○失○天○下○也○非○失○德○之○故○總○
由○人○臣○謀○國○不○忠○所○致○庶○後○之○爲○人○臣○者○悚○然○知○所○
戒○而○後○之○爲○人○君○者○亦○知○慎○於○用○人○也○已○然○則○煌○煌○
睿○諭○明○乎○制○治○保○邦○勿○玩○小○寇○而○弭○寇○必○以○安○民○爲○本○
安○民○則○又○以○知○人○爲○本○此○匪○直○昭○一○時○之○信○史○實○著○
萬○世○之○常○經○蓋○永○爲○君○若○臣○之○寶○鏡○云

李文敏公專祠碑記

夫○祀○典○之○崇○非○獨○表○揚○先○喆○亦○所○以○風○勵○後○世○至○鉅○
典○也○而○崇○祀○于○鄉○爲○學○者○矜○式○之○所○自○始○其○關○係○名○
教○尤○切○而○徵○信○于○月○旦○更○真○必○其○人○品○望○超○卓○德○業○
兼○隆○大○節○細○行○毫○無○間○然○俾○後○人○愛○慕○感○悅○歷○數○十○
年○如○一○日○斯○足○生○俎○豆○之○光○而○廟○貌○亦○永○永○弗○替○此○
非○聲○勢○赫○奕○所○可○襲○而○取○也○故○有○位○登○台○鼎○傾○動○一○
時○其○始○也○畏○壘○之○宮○非○不○巋○然○而○或○名○與○實○不○相○副○

馬齋集 卷六 六
將喩喩訛訛。無論田夫牧豎。皆得指摘其短。卽身在裸將之列者。或貌承而心不愜。久且羣情懈弛。掉臂去之。敗瓦頽垣。淪沒於荒烟衰草者多矣。况能令父老子弟。興懷於隔代。相與煥棖。桶潔牲醴。以媿隆大饗。爲愉快者乎。明故大學士李文敏公。捐館在崇禎四年辛未。距

今上龍飛之十一年甲午。閱二十四春秋矣。鄉之縉紳士民。思公未嘗刻置。列狀有司。稱公懿行純備。亮節

昭垂功繫一時。社稷之重。而澤貽百年。風教之遠。請崇祀澤宮。以昭

國典。慰輿望。維時鉅禮雖舉。喁喁者尚未厭也。又六載。爲今順治己亥春。復請建專祠。祀公憲議僉孚。新楹聿煥。蠲吉薦羞。猗歟盛哉。縉紳士民。將勒辭麗牲之石。而徵余言。颺其事。余按高陽爲上谷旁邑。受博大爽塏之氣。固宜鴻啓人文。光彰大業。而公以德閎儒宗。接四世南宮之武。甫垂髫卽天挺。逸藻迥然不羣。

息齋集 卷六 文敏三
登萬曆癸丑進士。繇庶常授簡討。已未分較禮闈。稱
得士。後三歲游晉宮僚。攝少司成。值天啓初年。猶勤
新政。修臨雍之典。公升堂講易。天子動容。橋門環聽。
一時歎稽古之效。復見漢東京盛事。旣而啓沃經筵。
引尚書義。規切時務。格非廣益。朝野爭拭目。公叅大
政。致太平。會璫炤方張。詔獄屢起。負鯁者旣逞螳立。
糜舍垢者因結蟬紓禍。撲炎乃益其灼。從風不勝其
靡。公燕居深念。謂城社未便灌熏也。故正己而不示

以圭稜闕。虢弗可犢牯也。故閑邪而不深其嫉。忌劇
牙也。弗以抵吻。絡首也。弗以決踈。方璫冒引邊功。合
諸營建。捕緝竊崇五等。濫及厮養。要結黨附。恐喝朝
紳。駸駸乎勸進九錫矣。公矢心曲。防以身爲砥。所被
誥。廕賚予再四。疏辭婉言。微中令積慮。頌新者不寒
而慄。及璫計傾戚。畹以撼中宮。公雪涕危言。子不宜
佐父難。母奸謀沮戢。宮闈獲安。時媚璫者。至頌天與
人。歸建祠遍海宇。其在輦下者。公未嘗捐貲拜謁。後

息齋集 卷六
復規覲辟雍隙地以公持之堅而寢諸所挾喜怒以
矯僭威福公委蛇曲劑釐正保全爲多蓋以正色垂
紳之度寓其潛消默折之權至於導揚末命擁戴長
君弭肘腋之危疑啓風雷於旋轉公之爲功藏於不
見不聞真無得而稱焉其爲功也更何如哉迨夫滌
除兇豎庶政維新向之徘徊持祿者或自陳曲突之
勞爲躡升之地而公獨介然引咎屢疏乞身人主援
義責留勉出受命一時高文大冊如登極如冊后咸

取辦公手所條列十事皆用人恤民之大至爲勅幾
者防忽藉權者杜微比於魏文貞之陳規思漸當日
稱崇禎始政庶幾貞觀遺風云蓋正人秉鈞雖碩果
猶食福而是時四郊多壘中朝日構水火民窮餉匱
綢繆罔策公隨事抒蓋用弘匡救人主亦降心倚重
而公旣堅引退復感人言連章稱母老身病情辭剴
摯始得允歸其予告隆恩爲輔臣所罕邁祖帳傾都
門人皆榮之公以冲襟雅量際明夷艱貞之會念漢

季北寺酷禍成於正人憤疾輕試爲不密失身之戒。逮宋元祐熙豐間君子以徑情獨往方隅自窒爲小人所借援而適以重其構公是以匪躬兩朝惟和衷求濟嚴於律已弘於恕物常令吾身立於有餘以默杜兇人不測之圖不遽履尾而速之啞幾沉慮遠形諸前後章奏內其辭有云天下不可以方隅限人才不可以恩讎私以天下心用天下人以天下人理天下事又云舉世無不可用之人而不必同於已天下

無不可爲之事而不必有其功又云恩威出於明主或藉之以行私職掌隸在諸司或干之以行意巽懦博長厚之譽偏執冒介勁之聲惟便身圖罔恤國事皆切中時弊之語上稱其忠清端亮誠然哉蓋嘗論公生平大節有呼吸安危者三當熹廟大漸璫猶矯遺旨竄顧命公奮議削之使不得逞比漢絳侯之立奪北軍憑几之際承諭大聲傳宣皇弟以絕非常同韓魏公之捲簾審視至身將去國首薦蒲州象雲韓

息齋集 卷六
公謂可當大任。用心等之鄴武兩侯。而疏中所稱。破方隅。忘恩怨。實公居身立朝之第一義。自筮仕以至蓋棺。總無渝此。嗚呼。若公者。洵無愧休休之个臣歟。公孝友。天性痛贈。公不逮祿養。哀慕終身。其遄歸晨昏。太夫人愉愉膝下者。三載。所受兩朝敘。廕分子從弟。及從兄之子。祀先而家廟。躬贍族而義倉。置敦倫好義。殆不遺餘力。角巾杖屨。徜徉洪山白水間。海內仰公如祥麟威鳳。猶望東山再起。而台星告殞。俄乘

箕尾。德功高於曠代。而享年不登。中壽天下悼焉。公本以儒術起家。操一心周旋兩主。履險如夷。出處爭光。日月肯堂。敷畝克開。翼子今揆輔坦園。公發跡

興朝懋膺

簡注宅心如水。觸事如鏡。廓然於方隅。恩怨之外。皆續公。令緒以引伸於無窮也。昔濂洛諸儒。崇正闢邪。廟食千載。公更益以圓機妙用。不毀其方。而適以濟其方。在朝朝重。在鄉鄉重。所稱鄉先生。没而祭於社者。

息齋集 卷六
惟公足以當之。詩曰：高山仰止，景行行止。是不可無記。以詔後之聞風興起者。

息齋集卷之六

松陵金之俊、豈凡著

光祿大夫太子太保左都御史望仁徐公墓誌
銘

順治十有六年歲次己亥秋，台州府大夫丞徐君諱祚煥泣持其先人總憲望仁公行狀來屬。余誌其墓而併爲之銘。以余與公同朝十餘載，且先後相繼同官。凡公之立朝行己與夫生平敷歷中外之真品大

息齋集 卷六
業炳炳烺烺得之耳聞目見者最爲委悉。余雖老病無文誼不能辭謹按狀公徐姓諱起元字貞復別號望仁遼東遼陽人也。先世爲江南廬州府合肥縣人。明初以軍功徙遼遂家焉。世簪纓勿替遠不及詳。公考明川公以孝友著聞遼左。碩德粹履有陳太丘風。公妣董太夫人淑慎柔嘉六行咸備。生丈夫子一人。是卽公公生而警敏沉毅少不好弄治麟經補博士弟子員試輒高等。壬子登順天賢書癸丑下第歸益。

篤學礪行一時學者爭延致爲師。今少傅萬涵甯公亦嘗從公受業。庚申秉鐸山東淄川訓士之方悉倣胡安定公先德行而後文藝。淄川士習蒸蒸一變辛酉丁外艱服闋補河南閩鄉諭所以訓閩士者如淄閩弟子愛敬而信從之亦如淄已已授湖廣保康令保康彈丸邑戶不滿三百皆家鮮宿春一切日用所需必取辦隣壤又居萬山中巖谷邐迥往來甚艱公爲百計籌畫置立集場平其關石通其有無俾強暴

不相侵智巧毋相奪商賈麇至邑民賴以稍蘇邑南有湯峽河可以達大河抵襄陽奈萬蓮洞口有巨石噴岼橫塞河泓公審觀形勢令居民沿山伐竹木烈而焚之不三月間巨石剝落殆盡卽五丁開山神力當不過此于是峽平水注凡入山採木者順流而下直達樊城可得倍值地方至今猶蒙其利也壬申丁丙艱丙子補湖廣應山令時流賊起自秦隴蹂躪楚豫勢方披猖而應適當其衝公蒞任察城守之具百

無一備爲之築垣濬濠修櫓繕器捐橐中資募壯士千餘人躬自簡練務人人可用以防不虞未幾賊渠八大王張憲忠突逼孤城公親率壯士邀擊屢戰獲捷所得甲仗衣畜無算賊鋒首挫忿圖報復羣賊如闖塌天整世王一斗粟滿天星老猢猻等環集城下悉力仰攻公爲整備火器乘城禦之神暇而氣壯賊咸失利去比應之隣邑望風降賊者衆獨公固守四載屹若金湯匪但治行卓越爲諸道最而武功赫然

尤一時艷稱未有已。卯冬大計吏撫按交章薦剡爭言當大用公。了此賊不難。會閣部督師至亦素重公。望題授鄖陽同知管鄖鎮餉。時鄖兵萬餘屯任竹山縣。自鄖至竹六百里而遙。河身淺窄。以小舟溯流牽挽。歷灘百二計。半月方達。又大帥左良玉馬步兵三萬餘屯興安縣。亦移竹就糧。較原任竹兵數且三倍焉。公慮兵多糧匱。不免庚癸呼。乃向治院繼成袁公假步兵五百。晝夜協運。七日卽至。以蕞爾山邑屯兵

數萬。轉餉不竭。公之力也。適太守缺。當事者舉公署府事。旋實授。公感激奮勵于戰守。機宜靡不殫力。料理辛巳八月。張憲忠領賊衆數萬攻城。公備禦已預。用火器中其左臂。賊踉蹌走。壬午十二月。闖賊李自成從白馬洞渡江。攻陷襄陽而南。陽承天荊州等處所過州邑俱望風瓦解。湖北半楚孤存一鄖耳。賊意且輕。鄖遣騎萬餘徑抵城北安營。以爲鄖可旦夕下也。公督率壯士躬冒矢石出敵。不意直躡其營所殺

傷凡三千餘賊乃宵遁癸未二月賊驍將劉宗敏等
統馬步五萬攻城三面環遶其鋒甚惡公約衆歃血
誓曰今日之事有死無二且歷數某處某處順賊者
卒被慘戮將士爲之感動皆泣下如雨無不一以當
百乃部署諸將分方迎敵終日對仗凡枕戈擐甲者
七十餘日賊死傷過半竄歸襄陽癸未四月賊復來
用麥杵雜土于黑夜築臺三層距城百步許高與城
齊計四十五座駕砲擊城城內人望而却立勢且岌

岌公謂諸將士曰鄖之存亡在此舉矣與其嬰城兀
守曷若以戰爲守而守乃固于五月三日傾城兵出
戰用火礮火箭燔燒麥臺頃刻而四十五座立燼闖
賊聞之親督精銳來援行至浙川知火器精利且士
皆殊死戰度弗能敵因轉鄧州回襄陽尋渡河入豫
迎敵孫督秦兵秦兵不戰而潰遂乘勝入關中據險
僭亂當是時鄖西北偏漢中興安商雒一帶處處署
有僞官獨鄖陽孤鎮四面皆賊內無糧餉外絕救援

如撐漏舟于瀾天。賊浪中不覆溺者幾希。是年秋廷議錄公之功。擢陞副使。隨晉鄖陽撫治。公益感知。遇嘔心經理。寢食靡遑。時鄖所亟需者火藥。公乃令各營俱設硝房。掃土淋煎而硝足矣。礮不給乃用火酒煮硝。功與礮等。礮足矣。鉛又不給乃募市廢鐵。設法鼓鑄圓如走珠。自是火藥不勝用矣。從襄陽陷後。餉道梗阻。公多方曉諭居民。俾悉出益藏樂輸。靡後不數月而民間儲蓄告罄。又倡率寮屬竭力捐濟。不數

月而官橐又罄。惟相率拾野菜剝榆皮採橡實聊以充腹。僅免易子析骸耳。公偵知賊有糧艘屯河下。募死士夜駕小舟順流而下。乘其無備奪取賊船。賊窘攻城益急。護糧益堅。公又夜遣人以火箭焚之。賊糧悉盡。甲申正月闖賊以郟久不下。復令驍將路應標等來攻。計四十七晝夜。公身先士卒奮勇堵禦。斬馘無算。賊將僅以身遁。三月又令賊下得海等益兵萬餘來攻。仍敗遁如前。五月又令驍賊武寅臺等二人

來城下要盟云中原大勢已去孤郎在重圍中糧盡
援絕能支幾時盍早自全公義憤填胸卽城下斬之
誓不與賊俱生賊知公忠義難撼甚于城堅不可拔
乃更益兵列營爲持久計公復出奇謀多方以誤之
夜襲以擾之使賊片刻弗寧者六閱月賊憊莫支退
營楊溪舖別築土城自守時縱遊兵突城下公應之
愈暇愈整每偵賊出營卽遣奇兵迎敵以挫其鋒十
二月六日公親統銳卒薄土城下索戰復密遣人入

賊營爲內應夜半火發內外夾擊賊大窘開東門逃
竄乘勝追擊殺傷殆盡賊帥路應標殲焉方期露布
告捷而明代已革九閱月矣嗟夫明以天下之全力
不能守其九廟而公未嘗擁重兵資厚餉獨以兩袖
清風一腔熱血守張巡許遠之所不能守終明之世
中原板蕩孤郎屹然以待

皇清定鼎之日完而歸之猗歟偉哉今

天子嘉公全城殊績仍令撫治如故公爲起瘡痍集流

散戢綏彌。至于是。郎之人感公福澤。家尸戶祝。特爲畫像立祀。丙戌擢都察院左副都御史。協理院事。公廉有聲。戊子陞掌院事。左都御史。己丑晉階太子太保。正直和平。始終如一。不矜圭角。人自不敢干以私。辛卯公念明川公已葬淄川。而董太夫人櫬尚寄金陵。因乞假迎歸。合葬于淄。壬辰。

聖上眷倚老成。仍命以原官管大理卿事。公循例引年蒙

恩許允。典禮優渥。公始得以險阻艱難。備嘗勞瘁之身。卜別墅于都城西南隅。負郭臨流。稍憇息焉。每佳辰月夕。與親朋握手道故。浮觴嘯咏。竟日忘倦。白鬚飄然。顏赭若童。人望之美。爲神仙中人也。戊戌九月初五日。竟無疾而逝。嗚呼。公之爲人也。軌步趨矜。然諾孝友。篤自性生。忠義助以學問。衾影夢寐。恒自期爲聖賢。教人子弟。亦期共爲聖賢。自起家縣令。以至建牙開府。無不身視民家。視國故。百姓愛之如父母。士

卒護之如頭目以之守城城完以之攻賊賊破豎蓋
世無前之偉烈垂千秋不朽之令名然未嘗沾沾焉
向人稍有德色至歿之日囊橐蕭然幾無以殮此在
他人爲最難得者清節于公之生平直其一端也若
夫待昆弟無爾我撫諸姪若已子九世同居不析箸
緩急族鄰靡有厭倦心則又皆公制行之緒餘已公
生于萬曆乙酉年七月二十六日未時卒于順治戊
戌年九月初五日卯時享年七十有四卜于某年月

日葬于某所元配趙氏一品夫人生子一卽祚煥以
侍衛歷官台州府同知甫蒞任一日卽值海賊陷城
賊逼降抗不受僞職卒護憑赴省此蓋得于公之教
忠者素也生女一適海州守忠鵠李公長子一元候
選縣令繼配郭氏一品夫人生女一未字祚煥配下
氏平定州守圖閣公女繼楊氏瓊崖叅將苑青公女
繼董氏貢士峻明董公女孫一天培配甯氏內閣大
學士萬涵公女姪國禎任磁州叅將祚炳任清苑縣

令姪女二一適山東巡撫青藜耿公姪子明候選京
職一適江南操撫君砥蔣公長子爲之銘曰
公篤生兮稟星辰公制行兮侔古人公司鐸兮安定
均公烹鮮兮召杜倫公建牙兮威且仁公禦寇兮若
天神鞏孤城于磐石兮傲殉節之張巡雖世代忽滄
桑兮賴忠義之獨伸垂紳正笏以肅紀綱兮憲度維
新屈指懸車而娛泉石兮二百餘旬生也榮死也哀
兮輝茲貞珉歲可遷石可朽兮芳名詎淪

光祿大夫太子太保工部尚書管都察院左都
御史魯齋霍公墓誌銘

順治十有八年歲次辛丑夏四月左都御史魯齋霍
公卒其孤恩蔭君將扶輓歸里經營窀穸而以其狀
來請余銘且泣告曰孤奉先君子遺命銘我者必先
生也余聞言不覺涕泗交頤憶余與公先後同朝二
十年世閱滄桑交情有如一日習公最悉佩公最深
誼不忍辭按狀公諱達字非聞號魯齋始祖武節大

夫諱吉者本居真定府之南宮縣至四世祖諱玉侍
父端祐公宦遊秦隴因家麟遊遂世爲秦人焉六世
祖諱瑞遷鳳翔逮數傳而諱導者是爲公王父徙武
功公考貞吾公諱正始家長安妣閭太夫人實生公
公生而穎異不凡六歲卽解句讀恒善病太夫人育
且誨之辛勤倍至無何太夫人病革公甫七歲哀慟
呼搶迫于至性觀者無不嗟異是年冬就外傳目輒
數行下塾師奇之繼母徐太夫人視公無異已生公

爰克成立歲十九補博士弟子員旋食餼蔚然有聲
督學使者每試輒優其等甲子薦于鄉辛未成進士
本年七月除山東淄川令冬十一月有脫伍悍卒自
吳橋譟迴所過焚掠連陷數城齊東大震時公新任
方詣省謁諸臺使者聞警星夜馳還整頓城守不五
日畢具及譁兵抵境知有備輒引去淄民安堵如故
撫按以守禦功上聞適徐太夫人訃至公擗踊哀號
亟請解綬奔喪當事者以賊勢方張城守捍禦非公

息齋集 卷六 十一
不可疏留不獲行抑哀備賊凡七閱月得代回籍喪
次哀毀逾節先是公以寒素通籍筮仕未及週窮約
甚于諸生多方拮据情文俱備宗族鄉黨咸稱純孝
焉乙亥服除補山東曹邑令時流寇披猖曹首當其
衝自蒞任後寇突河干者五公設方畧嚴兵待之寇
憚不敢逞境賴以寧爾時大河兩決奔流激射汎濫
桑田民幾魚矣公爲繕隄防疏壅滯卒殺水勢畚鍤
無患用是勞績茂著兩奉截俸行取之旨丙子甫入

闡分校寇復逼河干總河檄公星回堵禦詰獲三奸
細遂過河奮勦斬四級寇懾息遠遁優敘其功以聞
丁丑冬考滿公考妣均封如其官戊寅十一月廷議
各舉邊才有司就近調補以鞏固畿輔僉謂公才望
堪勝將調寧晉曹民間之遮道攀轅總河復疏留守
曹遂止不調曹城頽圯有同短垣可踰城內居民鮮
獲寧止公設法督葺不鞭一人不費民間一錢浹月
竣工至于絕火耗鋤蠹豪講學勸農凡爲良吏之種

種美政于公直餘事也。迄今曹之父老猶媿媿言之。已卯四月聞父喪趨戒行抵里撫柩痛哭幾不欲生。殫力從厚以襄大事奉兩太夫人合葬于曲江之原。辛巳服除赴闕候考選以召對稱旨授試江西道監察御史巡視西城時丁明末士大夫方隅恩怨物而不化情面賄賂溺焉忘返公獨凜凜以正氣自持不徧不隨糾彈權貴未嘗稍假有真御史之稱。比時漕政弊極東南四百萬石之玉粒嘗踰年不得登天府。

一則寇氛充斥運河漕艘莫敢前一則河流淤淺苦蔓草糾葛輓拽無計而其原皆起于有司之徵兌愆期運弁之驕橫不法奸旗之恣意盜折上赫然震怒下令曰漕務等于軍機凡大小漕臣有安常襲故莫能挽遲爲速者必罪不赦于是冬十二月特簡公巡漕余時備兵南昌已移固原將行會漕科偕撫按合疏留督江西糧不得已黽勉從事與公周旋漕務者一年見公所措置嚴而不苛廉而多惠軍民屬吏皆

畏之感之。是年漕艘悉抵通。卒如令。挽遲爲速。公之力也。上書公名于御屏。眷愛有加。壬午。以督運功。實授御史。加俸一級。癸未。又以守護白糧功。加一級。繼而寇陷關中。遠邇震驚。總憲吉水李公。保奏公監總督軍。公計恢復關中。非重兵不可。因度淮。招集將士。用圖大舉。甲申。難作。一片忠肝。義膽。竟付之東流矣。乙酉。以浙閩總督張公薦。奉

旨。着來京。陛見。丁亥。授山東道監察御史。戊子。巡按福

建。時地方初席版。啗人心搖搖。公疏舉賓興。偕兩典試。闢榛莽。而入肇舉賓興大典。以收士心。仍宣

上德意。家喻戶曉。而入閩之風鶴。大定。辛卯。

先皇帝親政。磨勵人材。內外兼轉。以公才優幹濟。補嘉湖兵巡道。山陬湖畔。正多伏莽。所在竊發。公一至。縛渠宥脅。寇孽屏息。一切剔蠹除奸。得其要領。不事鈎索。境內肅清。吏治民生。咸蒸蒸有起色。癸巳。大計吏。督撫按會舉卓異第一。

息齋集 卷六
上下部覈實賜宴賜袍晉太僕寺少卿甲午轉太常寺少卿提督四譯館七月轉大理寺少卿乙未三月陞本寺正卿讞鞫多所平反人稱不寬

先皇帝謂督捕一官非嚴明仁恕兼而有之者弗克勝任四月陞兵部督捕右侍郎此官設自本朝崑以緝逃懲窩充實禁旅不意營窟彌深根株彌濫不得不特立嚴法冀法重難犯乃有以一人之逃而株連數家有以無知之僕而干累職官甚且假稱逃人嚇詐

善良而地方百姓多罹籍沒竄徙之重條然各旗報獲之數卒不勝報逃之數

先皇帝每爲惻然動念頻頒

諭旨講求良策自公受事卽條上便宜數十款嚴窩藏之律立黥刺之法定考成之例申保甲之令著爲令典于是有司爭自濯磨愚民亦懼扞網數年來逃者無所容假者不得肆地方旣鮮株連職官亦免于累所全活人不可數計丁酉六月以

恩詔加一級。戊戌十一月考滿，加兵部尚書，給與應得
誥命。廕一子入監讀書。己亥三月，奉
上諭，加太子太保。庚子二月，調工部尚書。時
先皇帝欲合祭

地於大享殿，限一月竣工。公竭蹶以圖，如期告成。七月
奉

旨，仍以太子太保、工部尚書、管都察院、左都御史事。公
感

先皇帝知遇之恩，膺紀綱重寄，殫力振作，不辭勞瘁。凡
有裨民生吏治者，必昌言無隱。冬十月，遂患痰疾，猶
勉強辦事。十二月，疾勢漸劇。今年正月初八日，痛遭
先皇帝賓天，力疾哭臨，竣喪禮，病益篤。及回寓調理，
醫藥罔效，竟爾溘焉長逝。嗚呼！公真可謂鞠躬盡瘁，
以死勤事者矣。公通籍三十餘年，除兩次讀禮家居，
外餘悉敷歷仕途。憂公思職，無一優游晏衍之日。出
爲外吏，則洞悉民隱，芟除奸盜，所至見德。所去見思。

息齋集 卷六
入爲京朝官。則諳習國體。明解朝章。氣節稜稜。儼不可犯。而胸無城府。益然迎人。于光風霽月之中。雖位躋三事。年逾花甲。而猷畧未竟。精力方旺。胡期昊天不弔。遽奪我老成。典刑令人翔顧。班聯中悵然失所。仰止嗚呼。誠深爲可痛也。已訃聞之日。兒童走卒。盡爲咨嗟涕洟。

上深悼焉。俞禮臣請祭葬。悉如例。元配可夫人。並得祔葬。仍遣官護其喪歸。生榮歿哀。保有令名。以終然則。

公抑又何憾也哉。公于學無所不窺。政事之暇。沉酣經史。搜稽典故。旁及竺乾諸書。靡不探微抉奧。所著有屈黃二騷。合編手校。字彙併楞嚴金剛經註解。行世。近有編訂史記一書。尚未付梓。公生于萬曆庚子。卒于順治辛丑。享年六十有二。公祖若考。皆贈資政大夫。兵部尚書。母閔氏。徐氏。皆贈二品夫人。元配可氏。贈二品夫人。生丈夫子一。卽恩蔭君于京。娶辛未進士通奉大夫江西右布政使任公中鳳女。繼配紀

息齋集 卷六
氏生女一適甲戌進士中憲大夫山東提學道任公
中麟三子貢監生知民繼配袁氏封二品夫人側室
崔氏吳氏皆撫教恩蔭君不異已出孫一昭尚幼爲
之銘曰

天挺鉅公維霍司空起家民牧兩最齊封晉秩栢臺
蹇諤著節乘驄督儲轉運若決八閩持斧手闢荆榛
招携懷貳惠洽海濱嘉湖二郡伏莽淵藪借公備兵
革心恐後卓異彰聞增秩賜衣京卿屢陟羣望攸歸

特簡佐樞矢口石畫誘致逋亡如依衽席稽核水農
糜冒悉釐領袖風紀澄清是資展也老成高山是仰
九原不作曷深愴惘

皇有卹恩睠懷名碩歲月遷兮我銘無斃

神恩

其恩不計

悉

誥贈通奉大夫岐山朱公暨夫人沈氏合葬墓誌銘

朱公岐山諱三鳳上世深州靜安人宋時有諱珍華者始居義烏之梅隴五傳而生肇博物洽聞饒有幹濟才受知明成祖以戶科給事中出鎮江右樹駿流鴻政績赫然所著有撫安事錄等書藏于家又五傳而生秀秀生天勤是為公考累世皆有隱德負長者名公生而敏穎志履卓犖不群問業受經塾師以大用期之繼念厥考力作經營仰事俯育終歲捐搢莫

息齋集 卷之二
與分臂指勞遂廢書而歎曰吾不忍老者勤而少者
逸也因躬被襪襍鋤雨犁風必身先之已而食指漸
繁饗養弗繼遵父命遊燕邸居積什一畢慮殫心不
顧瑣屑勞瘁然賦性端方言矢金石行質鬼神有一
介不苟之操當世賢豪多樂與遊卽王公貴人見輒
賓禮不數年生計漸饒足資里門菽水始釋厥考仰
事俯育之累公乃稍稍得安枕矣尤仗義矜然諾有
貧窶困苦婚喪不克舉者必爲之悉意區畫毋令失

所後已縱倉卒告急鮮弗立應以是橐中裝數盈數
落終不獲以素封名也今總河大司馬梅麓初生公
識其有異必能大亢我宗甫脫乳卽趨就外傳延禮
四方名師碩友朝夕切劘罄所有爲修脯資絕弗靳
嘗一隸銓曹從事冀博半通之秩了一生耕讀債已
復思窮達前定與其蛇行蒲伏仰人鼻息曷若專力
課子光昭詩書先澤之爲大哉竟棄不就比聞考訃
徒跣奔歸竭盡哀戚自公還里居喪後生業盡廢平

息齋集 卷六
時嘗受德者往往見背或甚而反加侮焉在旁觀者
目擊生死交情炎涼反覆不勝悁忿公怡然處之毫
不介意且庭訓司馬君曰汝不聞朝趨市者側肩爭
門而入日暮之後掉臂不顧此世態之常今古同然
無足尤也每爲陳祖宗承家積累之艱與夫前人往
事賢否得失之蹟某也當戒某也當傲疊疊不倦倘
燕閒侍坐或微有跛踦懈色亦譴責不稍貸其義方
之端嚴細密類若此會

清朝興司馬捷南宮讀中秘書公貽之書曰吾家世
耕讀今汝幸席先蔭掇科第如拾芥又與石渠天祿
之英肩隨染翰共沐

恩寵造物之予我者奢矣奢則須持之以約慎勿驕侈
肆志滋我老人憂其謹識之毋忘司馬君之位大而
心小名高而實副皆公之燕翼貽謀有以致之也公
故好飲日與親朋故舊曳杖銜杯盡歡乃罷宜公之
怡愉壽考正未有艾也而公素精星家言嘗自謂吾

息齋集 卷六 三
年五十七數當止此適庚寅歲司馬君力請歸省幸
聖天子方以孝治天下朝上夕報可甫旋里未數旬公
竟寢疾逝矣嗚呼公孝友天植妣氏春秋高公年
且逾艾定省承歡無異孺慕昆季三人析箸且久然
豐約與共未嘗有爾我之岐一從姪病痘危甚公携
置已舍百方救療卒保無恙宗鄴姻戚有讀書能文
章而力不逮者必獎詡而扶植之以底于成郡二千
石聞其風高其行誼式廬造請禮之賓筵用示矜式

焉公元配沈氏產自名族父諱天和母孟氏年甫及
笄卽于歸翁姑俱嚴重夫人事之甚謹問衣佐餽罔
有弗虔方是時諸叔幼未婚旁無姊妹之助井臼烹
飪蠶績紉綴悉出夫人十指中女史中所艷稱婦德
艱辛勞動未有如夫人之甚者也訓督司馬君頗峻
篝燈課誦恒至丙夜不休卽嚴重難事之翁若姑亦
嘖嘖歎其賢而相與語曰冢婦宜家吾門當有興者
其在是乎贈公之始而力田穡作繼而懋遷有無化

居終而以通經學古澤民致君教其子皆夫人晝夜
操作爲之左右以襄厥成也夫人性敦朴卽司馬君
已致通顯而猶飯脫粟衣敝衣貴不忘貧如此當贈
公捐館之日夫人號痛欲絕斷葷茹齋虔奉竺典晨
夕不輟以資贈公冥福司馬君間以甘脆統綺進却
不肯御由是過哀成疾氣血內耗者甚矣嗣後就養
宦邸每一念及丘墓輒爲潛然泣數行下未幾疾作
遂告終于河署所最堪撫膺太息者屬續之際猶倦

倦念老姑不置也贈公生于萬曆甲午六月初四日
卒于順治庚寅十月二十七日夫人生于萬曆壬寅
六月二十八日卒于順治戊戌二月初八日俱享年
五十有七先是司馬君爲史官時以

吉禮告成覃恩三岐公贈通奉大夫內翰林弘文院學
士加一級元配沈氏封夫人夫人之卒也司馬君循
制泣請扶襯終喪

上念河務重大漕運攸關非司馬君弗克任一疏再疏

息齋集 卷六 三
弗允所請。

特詔奪情視事。已亥冬始申請報可且。

俞禮官所援掌故。賜祭葬如制。今將卜于本年七月某日合葬封翁暨夫人于某山之原。而以其狀來屬余。銘。余何能文。以傳贈公與夫人哉。雖然。余文雖不足傳。而世人艷稱公與夫人之行。頗多。多必則倣之。則倣之。必相與謹視之。是公與夫人之足以傳後也。卽余文之獲附以傳也。其何敢辭。謹按狀。公生丈夫子。

一卽總河大司馬梅麓君娶沈氏孫男一尚幼孫女一許聘襲封衍聖公冢嗣毓沆爲之銘曰。

天道可知耶。豐于德。嗇于壽。天道不可知耶。積于躬。昌于後。同坎而瘞。同簋而禋。綿綿瓜瓞。永賁恩綸。石可泐兮。名則彌布。歲或遷兮。藏之益固。

前中憲大夫福建觀察使菊存張公墓誌銘

公諱晉徵字恭錫號慕蓼別號菊存其先世實宋魏公裔自南渡後數傳而至諱辛三者徙居禾之太平里遂爲嘉興人辛三生洪洪生正正生世華世華生用字柳溪以次子貴封戶科給事中生三子長諱應潮字海濤邑廩生生子棐字心日邑廩生生子廷薦字履台登萬曆辛丑科進士歷任刑部主事次諱應治字冲泉登嘉靖壬戌科進士由給諫歷任山東臨

息齋集 卷六
清兵備副使季諱應濂字衍溪邑廩生卽公大父也
公父諱槃字碩懷邑庠生以公貴贈福建觀察使生
子三人長卽公也公生甫七日妣曹恭人見背考碩
懷公同王母杭太孺人撫恤成童六歲就家塾性穎
異不好爲群兒弄公家世取甲第者皆以壁經贈公
喜公慧因卜所授經獨麟經協兆爰從伯氏仲銘公
手授四傳目數十行下無少遺忘天資旣敏妙而又
潛心鮮他嗜一時宗族戚屬咸識其爲大器年十七

補弟子員聲蔚庠序年十八丁繼母卜恭人艱哀毀
逾節讀禮之暇輒發憤自勵伊唔丙夜不息其爲制
舉義必洞抉題旨匠心破的不屑屑襲時吻歲辛酉
入棘闈本房司理鄭君拔送主司以策語微激抑之
下第歸公志益奮學業亦日益進乙丑春仲贈公忽
邁疾捐館公號痛欲絕偕仲弟萍止共襄喪葬比時
家業蕭瑟自勉營窀穸後爲門戶計至艱辛也季春
贈公舉遺腹子卽季弟躬鑿撫育之如已子延師訓

息齋集 卷六 三
迪卒克成立，雁行三人，雖長幼差殊，怡怡友恭，曾無間言。公因家食不支，館穀黎川，半邏者累歲，悉以家事聽次公料理。舌耕硯田，意泊如也。庚午登賢書，出蔣慕皆先生門，特以麟經受知石齋黃太史。辛未，鍛羽歸，讀書茗溪，益奮發如諸生時。甲戌成進士，爲管誠齋仲子復兩先生所拔，釋褐除知閩縣事。閩居省會，要衝冗務如蝟，案牘山積，夙號難治。公淬礪新硎，圖之諸凡，民瘼利弊，嘔心講求，力任興革。夙夜拮据。

不遑會海孽劉香大吹鯨浪，賴公轉餉軍前，獲資飽騰。事平紀功，因首及焉。丙子大比，士爲本省房考官，得士六人，皆一時名宿。適石齋黃太史講學樵桐山，岱嶽自矜於邦之賢士大夫，鮮所許可，而獨景重公。逢人說項，於是聲益起。無何，中丞某憑寄耳目，構求洋事頗多株累，公洞燭而心寬之。毅然曰：殺人媚人，吾不能也。因而釋者甚衆。拂當事意，調新安之婺源，簡僻易治。然公未嘗有易心，其殫精惠愛，猶之治閩。

息齋集 卷六 三
也不二載擢刑曹部例提牢屬新咨公適膺其役正值石齋先生抗疏獲罪廷杖詔獄公慮朝廷有殺諫臣名爲之維持救護不遺餘力匪僅以師弟情誼效流俗之周旋也轉員外郎恤刑中州公念人命至重死者不可復生斷者不可復續加意平反全活倍多今恤疏具在仁人之言不與歲月俱逝也時流氛孔熾河洛一帶尤被蹂躪公雖無城守責恒與守土諸司環甲登埤一日夜常數十驚未嘗以使客偷安置

地方於膜外也繼以才望出守江西之建昌益藩府第在焉藩素擅賢名爲各藩冠而時方隆重藩體勢焰頗張伺察督責綦嚴且密稍忤意卽飛章劾奏動得重譴有司多救過不暇公事事謹愆不開以隙遇有事關民社者是非可否公屹然持之不爲所撓藩亦甚敬而愛之署巡道篆賊正流毒袁州九江鋒不可嚮聲言窺建昌警信日迫人心惶惶益藩有暫徙樵川之令公陳大義攀轅莫止亟飭將卒護行以司

息齋集 卷六 題辭四
理黃君隨民爭竄徙城中爲之一空公獨以隻身死
守繕器械募鄉勇嚴備禦密間諜常單騎巡城指郡
門一井誓曰設有不測當覓我骸骨於此中也軍民
咸泣下邏警晝夜不懈公雖身駐盱江所轄撫屬諸
邑密邇袁界公飛檄偏裨統兵預扼要害賊偵知有
備未及境而遁遂啓請藩歸先是藩行時被土寇渠
首曾斗墟等劫貲鉅萬時城守方嚴恐搜捕太急激
生他變姑置不緝遂陰行察訪廉得主名密授所司

方略乘雪夜掩襲群盜以次就縛立置之法餘脅從
悉縱弗究追餉完藩安堵如故合郡紳民勒石紀功
督撫交章薦其能冢宰徐虞求先生歎曰張太守以
白面書生保全孤城翼衛藩室曾無勁兵宿將爲之
犄角聲援真奇男子也擢福建按察司副使備兵建
南地方久弛武備緩急靡恃公勵精整頓軍容肅然
咸稱閩南一重鎮云旋陞按察司使時有驕兵悍將
爲民害者公治之如律不稍貸外臺之綱紀聿張實

於公有厚賴焉未幾
王師入境公識時投誠繳印謝事旅寓此離茹苦萬狀
丙戌秋孫恭人抱病長逝長子亦復不祿骨肉摧傷
相繼而至復遭僞寇竊發幸公素得民和獲免於難
琴鶴之外罄飽賊掠時相從患難中四顧無依惟季
弟躬鑿一人而已戊子還里憂毀困頓之餘形神交
悴堅卧一丘無復用世意慕陶靖節之高風自號菊
存以見志焉終日杜門卻掃書史是親間從二三朋

舊道故言歡風清月朗相與嘯傲駕波恒樂而忘返
除公事入室外曾無片紙寸牘干及當事以是人競
高之連舉二胤旋復天殤天道其可問耶公深自訟
省益孳孳累善爲事戊戌春王舉鄉飲大典郡大夫
素式其賢特徵重大賓輿論僉允己亥菊月舉一丈
夫子癸卯嘉平月又舉一丈夫子仁者有後天道未
始不可問也至是而公之喜慰可知已方將拭目二
子比肩逐隊繞膝迎懽他日聯翩接武公之桑榆暮

息齋集 卷六
景當何如其愉快哉不意乙巳春三月一病委頓遂於十三日赴脩文召也以善人如公而遽奪之算然則天道其終不可問耶公易簀前一日猶神明湛然條理井井呼二子至榻前執手而言曰讀書做人毋負家聲也又囑仲季兩弟曰善撫此二孤勿爲他人笑也言訖遂瞑內典所云正念分明捨報安詳者公庶幾近之歟大約公之夙根深厚非流俗恒情區區兒女子態所可彷彿也先於甲辰冬集親黨昆季處

分家事周瞻族戚寧厚勿薄寧詳毋遺條分縷析親筆鈐記燦若列眉指掌公所以爲兩孤計者蓋至深遠而曲當矣非平日有學問明道理審義命度越儔輩數倍者能如是耶公一生爲人恬靜冲夷常退然若不足一切世味毫不以滯其胸與人交了無嗔訐而涇渭不撓接之者盎如春風又肅如秋氣祗覺其可親而不可暱也至其御下寬仁從無怒容暴色良由天資長厚使然公飲不能數合而樂與客盤桓終

席靡倦口不談俗務而遇事剖分劃然莫能易嗚呼
公真不可及也自遊庠以迄宦成歷盡荼苦鳴琴兩
地則惠愛有聲奉命欽恤則不愧治獄于公一麾出
守則克稱良二千石洊歷臬憲之間則無忝外臺之
振綱飭紀公真不負學不負官爲不可及也惜乎天
既報之以功名而弗與大竟其用又終報之以胤嗣
而仍靳其長年弗獲目擊兩孤之成立哀哉吾終不
能無致疑於彼蒼也宜乎公嘗自歎曰他人歷境苦

盡則甘而余則終身於苦中也雖然公兩孤雖藐已
漸露頭角又有仲季兩賢昆感公手足之愛始終勿
替必能竭力保孤以捍外侮勸內政提攜有成翹足
可矣是苦則公嘗之已盡而甘則悉貽之後人也亦
可以無憾也已公生於萬曆辛丑正月二十三日卒
於康熙四年乙巳三月十三日享年六十有五崇禎
庚午舉人甲戌進士累官中憲大夫福建按察司使
元配孫恭人生於萬曆甲辰四月初四日卒於順治

三年丙戌九月初九日享年四十三歲繼配章孺人
生於天啓乙丑八月初三日卒於康熙三年甲辰十
月初四日享年四十歲生男二長玉曉章孺人出聘
余曾孫女次金城側室卜氏出聘觀察使若華盛公
曾孫女生女二長女孫恭人出配冢宰諡莊簡五臺
陸公曾孫淄次女章孺人出許配禮部尚書陶吳公孫
讓木其詳列行狀中不具書擇今康熙四年十一月
初八日庚寅葬秀水縣盧家佃上字圩之新阡以元

配孫恭人繼配章孺人祔焉其孤玉曉金城齋行狀
來以誌銘屬余余與公爲中表弟兄稔公之生平本
末與夫居官梗概洵足以則今垂後何可使之湮滅
不彰而忍以不文辭也爲之銘曰

賦性兮溫良制行兮孔臧螢窓攻苦兮擅名文章宦
途敷歷兮震譽官方東山高卧兮謙尊而光周恤宗
黨兮惠溥情長聽臨訣之遺言兮令人撫膺而悲傷
信天道之福善兮應知積厚而流光壽不滿古稀兮

已播令聞於無疆縱金石可銷兮吾直謂公也不亡

侍御張君墓誌銘

君諱慎學字趨正號敬微其先世稷山縣人遠不可
攷始祖諱僊徙居縣治北如意里下趙村越數傳有
號九老者家聲始振再數傳有諱振者爲君高王父
居大窰中數世同居子姓繁衍至六十餘人毫無間
言人稱爲大窰居士于是張氏始大著振生偉孝友
純篤隱居未仕偉生宗智爲運司椽家殷多貯粟值
歲大祲或勸之貴糶應曰吾儲此以待親友之不給

者寧賈利也。公平正直，月旦稱之。智生應舉，爲君大父。攻舉子業，未竟厥志。舉生其才，字用吾。爲君考生，而穎異。讀書輒數行，下博通五經，淹貫百家，尤究心性理。洪範天文地理諸書，多所發明。開五經館，教授來學，一時四方及門者五百餘人。所成就弟子，多取科名。且築堡禦賊，捐貲救荒，全活千餘人。以君貴，封文林郎。元氏縣知縣，從祀鄉賢。生丈夫子二，長卽君。君在娠，考徵祥于夢。旣生，甫釋襁褓，輒有志，不好與

羣兒弄。君考喜曰：此兒質敏，當以麟經授。異日必光大我家。果垂髫遊泮，尋食餼。未幾，登癸酉賢書。丁丑成進士。除中牟令。凡強恃力富恃貲刑恃贖者，必治不貸。于是猾胥股栗，善類安全。值流寇披猖之際，繕城垣，練鄉勇，戒備畢具。卒免寇警。未及期，月循聲噴噴起，調繁直隸元氏縣。仍以治牟者治之。然難治過于牟歲，丁奇荒，萑苻恣逞，流離滿目，餓殍載野。君爲立粥廠，煮賑綜理有方，咸飽實惠甚。而孩赤之路棄

息齋集 卷六
者亦爲覓乳嫗煦哺之活老幼饑民無算且平日修
舉荒政積穀甚多鄰邑聞之爲之請于大吏借粟濟
荒君慨然以餘粟如所請而全活者又不獨元氏之
百姓也治狀推畿輔第一坐朴拙故僅移樞曹郎一
時公論抱不平而君坦如也

新朝鼎興重耳目之司採夙望堪爲御史者君始得改
授爰視長蘆鹺政冰檠持躬鐵面執法諸所爲釐奸
剔弊惠商恤民者法制粲然備舉迨事竣報命

上念蘇松等郡財賦重地國家根本繫焉吏猾民困非
名御史往視不可遂以君往君攬轡入境微服廉訪
凡積蠹巨慙小民不敢言職官不敢問者君悉得其
實籍名擒治不稍縱條下六禁風節凜然不踰時而
吏畏民懷澄清之效立著吳民家戶戶祝方擬期年
報竣之後尚欲詣闕攀轅大竟君施會廷議撤還巡
方輿情怏怏以爲監察得人如此胡爲一旦議撤使
君子病焉小人幸焉于是吳民叩闥無路乃爲君畫

息齋集 卷六
像立祠謀世其蒸嘗以識報德之思比有識者謂監察如君而遽撤以去倘天欲平治天下旋當復遣已而

聖主乘乾獨攬萬幾果親正人納正言仍分遣御史巡行各路且

臨軒戒諭較昔尤甚重焉監察之撤而旋復者實自君之有大造于吳始也君以資望並最奉

特簡按視畿南北舉夙志之未究于吳者悉措之輦轂

近地糾繩貪墨不顧權勢爲小民除疾苦伸冤抑必嘔盡心血乃已按部未踰年卒以勞瘁成血症致不起于順治九年壬辰六月某日卒于京邸之正寢年五十有八朝之士大夫以及街巷之兒童婦女靡不嗟悼痛傷雖按畿之日視吳差久而天又奪之以去豈畿民之不幸與吳民亦相去不遠耶抑民生當憔悴之日有功德及于民者天反不爲之助耶君同母弟次君慎修偕其孤宿焜扶柩旋里將營窀穸而以

息齋集 卷六
狀來乞余銘。余維疇昔待罪樞貳于君。有寮友誼。比年君按吳。余又部下嘔吟思慕之一人。君生平之立身居官。堪爲世法。而不可使之湮沒不傳者。余頗悉其概。其何能辭不銘也。君元配解氏。處士解三召女。封孺人。男一宿焜。未聘。側室王氏出女三。一適聞喜縣庠生崔俊長子拔貢。崔爾瞻。一適聞喜縣歲貢賈鑿長子國學生賈償奇。解氏出一尚幼。王氏出爲之。銘曰。

烹○鮮○兩○地○所○去○見○思○乘○驄○再○出○繪○像○立○祠○富○貴○浮○雲○
于○君○何○有○功○德○在○民○名○不○可○朽○

傳侍御君併及民情中有關係可以作史

百史先

生評

贈光祿寺卿湘隣金君墓誌銘

余家世松陵之曹溪，去浙婺義烏金氏，僅隔錢塘帶水。雖譜牒難稽，不敢妄附宗支。然與余家鄉會同籍者，後先三世，其氣誼聯絡，不減本支一派也。順治己丑，南宮義烏得二人，號稱金氏二難。一為余已未榜諱德義之子漢鼎，一為余先浮弋丁未榜諱世俊之的姪漢蕙。湘隣君是也。君以甲第居前。

特恩授粵西少叅，守九江道。前此未有之曠典，時朝議

以百粵介在天末尚稽奉朔非王師赫臨則抗不
下既下非新礪淬礪思奮發有爲入坎窞而不驚者
爲之監司以彈壓之則無以消鷹眼撫哀鴻而讐新
附之版圖故君得預其選焉受

命之日卽慷慨叱馭有誓不顧身家之義稅節衡陽者
再歲末由涖境歲辛卯粵西始闢遂披荆棘蒙瘴霧
抵柳州視事爾時此離未集瘡痍未起城郭之內一
望蔓草荒烟君爲之董戒師旅勿令擾民居妨民業

凡所爲招携懷貳扶傷拯痾以綏定而輯寧之者靡
弗殫厥心力政事之暇仍揖諸生而進以爲文之道
與夫立身行已親上死長之大節方浹歲新造之柳
蒸蒸有起色矣亡何賊瞞藩師鎮省所在分旅設防
兵力稍單輒乘虛傾巢來犯壬辰七月四日桂城陡
陷孔藩殉焉于是全省震動柳故當首衝孤城不支
君抗節被執羈之桂林者數月賊偵守甚嚴求死不
得偶一日伺懈夜竊防者所佩刀手格殺數人星馳

翳榛叢莽中冀間道迎。王師爲追者所及卒遇害。時壬辰十一月二十三日也。先是潛遣僕馳書報其父曰兒生不辰遠隸粵西枕戈入境徭苗雜處蒿草盈邊設餉旣艱招徠不易詎意坐席未煖七月四日賊陷桂城是月八日柳遂受兵兒不屈被執逼勒萬狀今聞王師南下或陡見天日孤臣不能終疆場之役意欲納

救前行死生不復顧也但念父母生兒撫育教誨匪朝

伊夕致父老不及養母殯不及葬子幼不及教不能不耿耿于懷耳已矣兒不能烈烈以明節何敢冥冥以偷生父無望兒矣有弟萼在或可相娛以奉餘年兒歸養無期白雲永斷自當從三閭于湘水附子厚于柳城已矣兒何忍言又有詩云稽首羅池瞻子厚遊魂願從九疑看讀其書若詩之詞則其秉節無二誓死靡他固已如泰山之不可移而黃河東注之不可挽矣是歲粵西陳撫軍上其事

息齋集 卷六
天子深用憫悼特賜祭葬如禮贈大中大夫光祿寺卿
廕一子入監讀書乙未夏六月君長子廕生以琳徒
跣來京持狀乞余銘余方病甚委頓床褥間僅能屬
息其何以應生之請而余竊念君家後先同籍之世
好又念君捐生殉節有古忠臣烈士之風每讀史遇
其事想見其人于千載之上尚爲之咨嗟慨慕執卷
流連不能已已詎當吾世而得之耳聞目見者能不
奮筆以從而爲之誌其事以表來茲也謹力疾按狀

君諱漢蕙字公樹號湘隣其先世系出炎漢劉氏漢
光武封皇孫于烏傷國除遂家焉後避南越王錢鏐
諱去卯刀爲金始以金姓著世有達人宋仁山氏履
祥元青村氏涓皆懷道不仕號稱碩儒越八傳而爲
君曾大父 公諱守大父 公諱文亮以君伯

父少司空稠原公世俊貴皆贈如其官君父 公
諱世儼才高學劭有聲庠序間以數奇抑志小就爲
涇州別駕丈夫子三長漢蘭補博士弟子蚤卒次卽

息齋集 卷六
君君生而穎異垂髫食餼每試輒冠軍又次萼亦以
髫年領袖童子試君登己卯賢書庚辰鍛羽歸力學
益奮至邑里有不平事能以片言排解為鄉人重已
丑成進士授二甲叅藩粵西經營草昧所為極難未
竟厥施遽罹賊害嗚呼有生者世之所共貴守死者
人之所甚難君獨能輕其所貴等性命于鴻毛易其
所難甘一死如茹薺禮曰臨難無苟免君其有焉視
彼全軀保妻子之流居平則溫飽是圖有事則抱頭

鼠竄之不遑全未聞有死守封疆之誼者其相去何
啻霄壤哉君生于萬曆丁未年九月二十五日卒于
順治壬辰年十一月二十三日享年四十有六配陳
氏遼陽縣尹大孚陳公女封恭人子三長以琳庠生
娶誥封翰林院簡討丹臺虞公次孫廩生帶如公女
次以璨聘東陽廩生宗玉郭公女三以璠聘浦江進
士按察司廉使三陽張公次孫貢生昭服公女女三
長適東陽庠生吳堡次適浦江癸丑進士大方伯致

虛樓公長孫洵培三未字孫二長永颺次永登孫女
一俱以琳出為之銘曰

主○日○皎○兮○丹○心○霜○凝○兮○苦○節○辭○親○兮○腸○萬○迴○報○
今○骨○可○屑○金○石○消○沉○兮○忠○魂○不○滅○陵○谷○變○遷○兮○芳○名○
不○絕○

大學士岱輿高公墓誌銘

順治十有二年乙未春三月靜海孝廉高君恒懋持
其先人宮保岱輿公狀來乞余銘以余與公同朝者
十載且後先同官為中西銓尋又相繼入政府習公
最久知公最深因泣而請曰孤不忍先君子德行泯
沒無聞求誌其生平而系之銘以垂不朽者舍先生
誰屬哉余惻然于中而誼有弗獲辭也謹按狀公諱
爾儼字中孚號岱輿別號鉢菴先世家靜海縣西宗

保村累傳有隱德不事聞達王大父一峰公諱萬億始筮仕爲鴻臚好義任俠以不畏強禦稱高氏聲乃振大父拱吾公諱如斗未仕克紹家聲父望雲公諱攀桂貢士博學篤行邑之人號爲古君子生丈夫子二長卽公生而穎異七歲善屬對矢口驚人塾師奇之曰吾不能爲若師遂辭去十歲能文章十五應童子試郡邑皆冠軍時督學御史爲桐城左公光斗有文名閱公卷亟稱之曰此他年宰相材也首拔之如

郡邑十六歲食餼每試輒前茅其爲文根本經史磅礪變化如江淮河漢之水滙之有源發之莫禦吮毫伸紙頃刻立就年二十登丁卯賢書公車數上不利益扁戶讀書恒夜漏數十下方就枕雞鳴卽起如是者十有三年績有高伯子制義自嬉草古處堂全稿漸堂初集一時紙貴洛陽雖處困約未嘗一謁有司當事者表其廬爲真孝廉庚辰成進士受知姑蘇徐公沂先生見而喜曰子殆韓范一流人闔闡時早以

文卜之矣。廷對擢第三人。授翰林院編脩。晉江蔣公德璟爲館師。每謂人曰。高太史器識宏遠。他日功業。必有大可觀者。因贈以手評資治通鑑。經世八編二書。辛巳五月。丁母夫人曹氏艱。訃至。哀毀逾節。大病。幾不起。又恐傷望。雲公心恒強顏侍側。以冀解慰。退則淚未嘗乾也。是歲畿輔旱蝗。人相食。公施粥倡賑。全活饑民無算。癸未秋。服闋。時更期八月。會試例應充同考官。公以母服方終。因謝分校。延至撤闈後始

陛見。其恬退類此。尋補原官。纂修六曹章奏。充經筵展書官。起居注。時寇氛漸逼都門。當國者束手靡措。上震怒。罷井研。併及晉江。特用通州爲首揆。公上疏直晉江。忠誠體國。不宜與井研同罷。爭甚力。執政銜之。公弗爲顧。甲申之變。抱封公痛哭幾絕。忍死避跡。會

皇清定鼎。授官如故。乙酉四月。擢內翰林秘書院侍讀學士。充修史副總裁。

誥勅撰文。七月陞禮部右侍郎。比禍亂初平。修文伊始。諸凡辨等威。定民志。端教化。正風俗。公悉心考訂。酌古準今。務得大體。丙戌二月。充知貢舉官。爾時道路多梗。四方公車。弗能如期達。特請展期十日。以網羅後至。丁亥。再行會試。有失文引者。苦格功令。公慨然曰。士子間關數千里。觀光上國。此

朝廷收拾人心一大機括也。奈何格之議。取同鄉結狀。俱得入闈。三月奉

旨京官三品以上遣子入朝侍衛。公顧謂已子曰。汝叔子恒豫。幼失母。吾與汝母撫若已出。當令叨是恩。以識吾顧復之意。已而得除同知高郵州。戊子八月。調吏部右侍郎。已丑十月。加都察院右都御史。辛卯三月。轉本部左侍郎。八月。晉本部尚書。又以

恩詔加太子太保。由東西銓正位冢宰。凡閱歲者四。職掌所關。必求與吏治民生大有裨益。至黜陟之際。鑑空衡平。無方隅無德怨處。滿漢寮屬間。推誠相待。弗

形一毫崖異之色以故同事傾心其用人之精當他不具論如趙公開心以僉院起用晉補左都御史房公可壯以前朝耆碩久淹卿貳特從副院竟轉左都御史龔公鼎孳以奉常服闋來京會有齟齬之者越兩年不得補公卽補爲館卿凡若此皆最愜輿望者也後言路有撻拾銓曹事訐奏詞連公公闔門謝客疏請罪廷質之日言者盛氣抗爭公不與辯惟以負

國負官深自引咎願早罷斥

上鑑公無他卒左遷言者而堅留公公之休容得大臣體尤爲近代罕有公姻家大司農戴公明說先年貳司農時無端落職將外調時公論咸抱不平公心知其冤獨勸以人主盡忠事主勿計內外且

明旨煌煌須一行塞忌者口遂補中州叅藩戴公亦怡然就道尋大著聲譽甫踰年膺內召公之不阿所親而遇事卓然有識槩可見也孝廉

有胞弟恒泰年少負雋才壬辰正月遽以病卒公痛之甚五月夫人姜氏又久病繼革未半歲叠罹悲傷復拮据銓務靡有寧晷遂以勞瘁得癘症月每一作乃具疏請告

上弗允十二月以覃恩晉階光祿大夫封三代如巳官癸巳二月因前疾弗瘳再請得

旨謝事靜養隨蒙

遣使存問飲食起居狀并

命御醫調治回奏未幾特起內翰林弘文院大學士疏辭不克奉有准調養十日卽入院辦事之

旨三月二十一日

上幸內院公偕同官行禮訖正鵠侍間疾忽作

上瞿然色動令左右諸大臣送歸邸寓次日復上章懇辭准暫停給俸以便調養久之醫藥罔效甲午正月方得

旨回籍俟病痊召用九月初七日爲望雲公七袞誕辰

息齋集 卷六
公父子祖孫權聚一堂捧觴戲彩宗戚鄉里榮之居
亡何病益劇忽一日書于枕次云直心是大道無將
迎無繫戀至十二月初二日呼孝廉君設香案被朝
服伏枕草遺疏畧云開經筵以懋
聖學懲貪吏以拯民生扶掖望

闕叩頭戒以易箚賫奏語不及私初七日早望雲公就
視絕口不言病苦以生老親憂惟眉睫間有悵焉不
忍離別之意語孝廉君曰汝去我且休息遂含笑而

逝公生于萬曆丙午年十一月初六日卯時卒于順
治甲午年十二月初七日辰時享年四十有九

天子覽遺疏嘉其忠愛纏綿爲咨嗟悼惜者久之下所
司優議卹贈以聞嗚呼跡公之生平併觀公枕次所
書之數語其殆有得于道而深造聖賢之域者歟公
真不可及也已公性篤孝友事二人色笑惟謹雖盛
暑隆寒不冠服不敢見每侍左右不命坐不敢坐終
身如一日視弟之子逾已子遇國有恩施輒先及之

與人交表裏洞達通而不阿正而不諒樂道人之善而○未嘗及其惡○

上之簡公端揆也○有存心醇謹行事和平之褒嘉○蓋灼見公之行已立朝者○公洵能不負○

聖天子知人之明哉○休沐之暇○手不釋卷博覽古今得失之故○究心天人性命之理○嘗命其子曰○有百行必求諸聖訓○無一事不可對天知吾之志在是○吾之行亦在是○汝當終身識之所著有西銘衍義孝經釋畧○

感應篇直解行世○公嘗爲其邑請蠲荒地錢糧萬餘金○除丁銀六千餘兩○邑人至今賴之○頻年宦京都○粥饑者衣裸者○以至掩骼埋胔○歲以爲常○此又吉人爲善○惟日不足之天性○在他人爲之○則義聲震耀○便誇爲卓絕難能之事○于公之身○僅區區一端耳○嗚呼○公真不可及也○元配姜氏○原任陝西漢中府知府文安姜公諱銓之女○先公二年卒○

誥贈一品夫人子二人長恒懋辛卯舉人娶王氏都察

院僉都御史巡撫延綏王公正志姪廩生翼聖女次
恒泰邑廩生早卒娶劉氏癸未進士刑部郎中劉公
世傑女女三人長適原任河南巡撫公默之孫廩
生公任之子國學生釗次適原任臨洮府同知
姚公思虞之子國學生姚景申次適原任汾州府推
官蕭公賦穎之子庠生蕭濟美孫男一緝睿官生恒
懋出未聘孫女一恒泰出未字卜以某年某月某日
葬于某邑某鄉爰爲之銘曰

公生非偶忠誠孝友學本經史材追駉駉揚聲天路
編摩獨步其典禮也維直而清其統均也維簡而平
百司所視

天子所器方資濟川胡不百年有子繼武有孫繩祖積
厚流光公也不亡

